



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Broj: 02-45-5481/21  
Zenica, 09.03.2021.godine

**GRADSKO VIJEĆE**  
**PREDSJEDAVAJUĆI g. ALMIR BABAJIĆ**  
**OVDJE**

**PREDMET:** Osnove programa i politike Gradonačelnika u mandatu 2020. – 2024. godine

Poštovani,

Zaključkom broj: 01-45-2414/21 od 04.02.2021. godine, Gradsko vijeće zadužilo je Gradonačelnika da Gradskom vijeću podnese Prijedlog Programa rada za mandatni period od 2020. – 2024. godine. Polazeći od odredbe člana 38. stav (1) Statuta Grada Zenica („Službene novine Grada Zenica“, broj: 5/15), pripremljen je Prijedlog „Osnove programa i politike Gradonačelnika u mandatu 2020. – 2024. godine“, a koji se dostavlja u prilogu radi razmatranja na sjednici Gradskog vijeća.

„Osnove Programa i politike Gradonačelnika“ predstavljaju skup nezavisnih i usko povezanih planiranih aktivnosti, mjera i značajnijih projekata koji će biti realizirani. S ciljem provedbe aktivnosti i mjera sadržanih u „Osnovama Programa i politike Gradonačelnika“, bit će pripremljeni posebni planovi, programi i projekti po oblastima rada u okviru nadležnosti Gradonačelnika i gradskih službi.

S poštovanjem,

**PRILOG:** Osnove Programa i politike Gradonačelnika u mandatu 2020. – 2024. godine

**DOSTAVLJENO:**

- 1x Naslovu
- 1x Stručna služba Gradskog vijeća
- 1x Služba kabineta Gradonačelnika
- 1x a/a



**OSNOVE PROGRAMA I POLITIKE GRADONAČELNIKA  
U MANDATU 2020-2024.**

**Zenica, februar 2021. godine**

## **SADRŽAJ:**

- I-      TEMELJNE ODREDNICE
- II-     OSNOVNI CILJEVI
- 1. POSLOVNO OKRUŽENJE I PODUZETNIŠTVO
  - 1.1. POTICAJNO POSLOVNO OKRUŽENJE
  - 1.2. RAZVOJ OBRTNIŠTVA I PODUZETNIŠTVA
- 2. PRIVREDA, POLJOPRIVREDA I RURALNI RAZVOJ
  - 2.1. KOMUNALNA PRIVREDA
  - 2.2. POLJOPRIVREDA I RURALNI RAZVOJ
  - 2.3. TURIZAM
- 3. EKOLOGIJA, ODRŽIVI RAZVOJ I ZAŠTITA OKOLIŠA
- 4. PROSTORNO UREĐENJE
  - 4.1. PRIPREMA I IZRADA PROSTORNO-PLANSKE DOKUMENTACIJE
  - 4.2. POBOLJŠANJE ENERGETSKE EFIKASNOSTI
- 5. KOMUNALNE DJELATNOSTI I INFRASTRUKTURA
  - 5.1. UNAPREĐENJE PODUZETNIČKE INFRASTRUKTURE
  - 5.2. UNAPREĐENJE PUTNE INFRASTRUKTURE
  - 5.3. VODOVOD I KANALIZACIJA
  - 5.4. UNAPREĐENJE SISTEMA UPRAVLJANJA ČVRSTIM OTPADOM
  - 5.5. UNAPREĐENJE SISTEMA DALJINSKOG GRIJANJA GRADA
  - 5.6. GASIFIKACIJA GRADA ZENICA
  - 5.7. GRADSKI SAOBRAĆAJ
- 6. DRUŠTVENE DJELATNOSTI
  - 6.1. PREDŠKOLSKI ODGOJ I OBRAZOVANJE
  - 6.2. SOCIJALNA ZAŠTITA
  - 6.3. ZDRAVSTVO
  - 6.4. UNAPREĐENJE MLADIH
  - 6.5. UNAPREĐENJE SPORTA
  - 6.6. UNAPREĐENJE KULTURE
  - 6.7. PARTNERSTVA
- 7. NORMATIVNA DJELATNOST, PLANOVI I PROGRAMI
- 8. ZAVRŠNI DIO

## TEMELJNE ODREDNICE:

Gradonačelnik će izvršavati svoje nadležnosti u skladu sa Ustavom Federacije Bosne i Hercegovine, Ustavom ZDK-a, zakonom i Statutom Grada Zenica, s ciljem obezbjeđenja razvoja Grada Zenica, te na dobrobit svih građana.

Osnove programa i politike koje Gradonačelnik treba ostvariti u toku trajanja mandata 2020-2024. godine podnose se shodno odredbama člana 38. Statuta Grada i predstavljaju sistematičan prikaz instrumenata i aktivnosti kojima će Gradonačelnik i gradska uprava u izvršavanju svojih zakonskih ovlaštenja postići rast i razvoj Grada. Gradonačelnik i gradska uprava će svoje aktivnosti provoditi koordinirano i u saradnji sa svim sudionicima društvenog života u Gradu, afirmišući pri tome kulturu međusobnog dijaloga usmjerenu na stvaranje partnerstva i participacije u donošenju najvažnijih strateških odluka za Grad.

Gradonačelnik i gradska uprava će posebnu pažnju posvetiti izgradnji funkcionalne i dostupne javne uprave te napredne informatizacije.

Gradonačelnik će promovisati i nadzirati zakonitost i pravilnost rada službi i tijela gradske uprave, nosilaca javnih ovlaštenja i vršilaca javnih djelatnosti.

Osnove programa i politike posebnu pažnju posvećuju definisanju mjera usmjerenih na privredni razvoj. Stoga Program predviđa donošenje niza akata i mjera, te realizaciju projekata u funkciji jačanja kapaciteta Grada i povećanja životnog standarda građana Zenice.

Gradonačelnik i gradska uprava radit će na stvaranju povoljnog poslovnog okruženja jer je poduzetništvo temelj privrednog rasta.

Gradonačelnik će se posebno brinuti o finansijskoj stabilnosti Grada.

## OSNOVNI CILJEVI

Gradonačelnik će u svom mandatu 2020-2024. godine provoditi politiku i predlagati mjere s ciljem ostvarenja vizije napredne i uspješne Zenice, prosperitetnog i uređenog Grada jednakih mogućnosti za sve koji svojim radom žele doprinositi razvoju Zenice. Glavna odrednica rada i djelovanja Gradonačelnika bit će ljudi-zadovoljni građani Zenice.

U mandatu 2020-2024 godine Gradonačelnik će ekonomsku i razvojnu politiku bazirati na daljnjoj izgradnji poticajnog, jedinstvenog i sigurnog poslovnog okruženja u kojem je privatno poduzetništvo nosilac ekonomskog razvoja, a Gradska uprava će poduzimati potrebne mjere u pravcu oživotvorenja načela društvene solidarnosti, partnerstva i socijalne osjetljivosti. U tom smislu osnažit će se rad Privrednog savjeta.

U ovom mandatu Gradonačelnik će aktivnosti na jačanju poduzetništva, posebno mikro, malih i srednjih poduzetnika, bazirati na pet glavnih oslonaca.

Prvo, bit će izvršena sveobuhvatna analiza naknada i taksi s ciljem njihovog ravnomjernijeg razreza i fleksibilne primjene na poslovno okruženje. Mjerama koje se odnose na poslovno okruženje pojednostaviti će se regulatorni zahtjevi u okviru nadležnosti Grada kao jedinice lokalne samouprave, što će uticati na jačanje poticajnog okruženja i vratiti povjerenje domaćih i stranih investitora i poduzetnika, a Grad Zenicu učiniti poželjnom destinacijom za otvaranje novih biznisa, pokretanje investicija i novo zapošljavanje. Neaktivna gradska imovina bit će stavljena u funkciju privrede i u korist poduzetničkih ideja. Javna poduzeća koja pružaju komunalne usluge građanima će proći kroz poslovno i finansijsko restrukturiranje i bit će definisani jasni ciljevi kojima će se ocjenjivati njihova uspješnost u radu i poslovanju.

Drugo, konkretnim mjerama ulagati će se u generatore razvoja Grada, a to su prvenstveno radne poslovne zone Zenica 1, Zona „Jug“ i Zona „Sjever“. Ulaganjem u poslovne zone bit će stavljeni u funkciju neiskorišteni i zapostavljeni lokaliteti u okviru kojih će se izgradnjom potrebne infrastrukture i

odgovarajućom parcelacijom stvoriti prostorne postavke za izgradnju, organizovanje i uspostavu novih proizvodnih kapaciteta i modernih ekološki prihvatljivih tehnologija, što će rezultirati otvaranjem kvalitetnih radnih mjesta i novo zapošljavanje.

Treće, Gradonačelnik i gradska uprava poduzet će mjere u cilju povećanja efikasnosti i efektivnosti gradskih institucija. Digitalizacija svih procesa, e-usluge, povezivanje svih tijela Gradske uprave jedan je od velikih izazova, a kako bi građani i privrednici mogli dobiti brzu i kvalitetnu uslugu, bit će u fokusu djelovanja Gradonačelnika.

Četvrto, Gradonačelnik će nastaviti sa jačanjem održivosti Gradskih javnih finansija jer je finansijska stabilnost Grada temelj sigurnog razvoja i rasta, ali i jedan od najvažnijih faktora ekonomske stabilnosti te oslonac za obezbjeđenje i funkcioniranje svih javnih funkcija u okviru nadležnosti Grada. U tom smislu bit će poduzimane mjere na racionalizaciji i smanjenju troškova javne uprave.

Peto, Gradonačelnik i gradska uprava će odgovarajućim programima poticati razvoj prigradskih i seoskih naselja s ciljem jačanja i razvoja poljoprivrede i kućne radinosti. U tom kontekstu bit će nastavljeni projekti izgradnje putne i druge nedostajuće infrastrukture u tim naseljima, a raznim poticajnim mjerama utjecat će se na razvoj organske proizvodnje hrane i povećanje broja samoodrživih poljoprivrednih gazdinstava.

Ovo je pet najvažnijih područja na kojima Gradonačelnik temelji ekonomski i sveukupni razvoj grada, a mjere će se provoditi i u ostalim oblastima jer je sve međusobno povezano. Posebna pažnja posvetit će se uključivanju svih gradskih institucija i mjesnih zajednica u privredne i društvene procese, te stvaranju pretpostavki i mehanizama za pomoć građanima koji žive u siromaštvu i socijalno su isključeni.

## **1. POSLOVNO OKRUŽENJE I PODUZETNIŠTVO**

Pozitivno, sigurno i stabilno poslovno okruženje jedan je od preduslova za opredjeljenje poduzetnika o pokretanju i širenju biznisa na teritoriji Grada Zenica, pa je važno reafirmisati privatni sektor kao ključnog nosioca ekonomskog razvoja, a posebnu pažnju treba posvetiti poticanju i razvoju obrta, malog i srednjeg poduzetništva kao obećavajućem pokretačkom potencijalu privrede.

### **1.1. POTICAJNO POSLOVNO OKRUŽENJE**

- Gradonačelnik i gradska uprava provoditi će mjere s ciljem smanjivanja administrativnog opterećenja obrtnika i privrednika, posebno razvojem e-usluga.
- Brzo dobivanje dozvola i rješenja sa što manje administrativnih prepreka (brzo, jednostavno i transparentno ishođenje akata za gradnju bez nepotrebnih akata dupliranja i opterećenja), pojednostavljena procedura za ishođenje dozvola i slično;
- Sređivanje vlasničkih odnosa, usklađivanje podataka, digitalizovanje procesa te uspostavu bolje komunikacije na relaciji katastar-zemljišna knjiga;
- Aktiviranje neiskorištenih gradskih resursa (gradsko zemljište i objekti) sa svrhom realizacije poduzetničkih poduhvata na dva načina: aktivacijom neiskorištenih nekretnina (čije održavanje i čuvanje Grad finansira budžetskim sredstvima) i zemljišta u korist poduzetničkih ideja, te izgradnjom/ uspostavom novih poslovnih zona.

### **1.2 RAZVOJ OBRтниШTVA I PODUZETNIШTVA**

Gradonačelnik će provoditi politiku jačanja obrtništva, malog i srednjeg poduzetništva, od onih tradicionalnog karaktera preko turističkih i poljoprivrednih pa sve do visoko inovativnih. Aktivnosti u ovom segmentu rada bit će usmjerene na ispunjavanje slijedećih specifičnih ciljeva:

- Jačanje poduzetničkog mentaliteta kroz afirmaciju lokalnih privrednika;
- Prepoznatljivost i veću zastupljenost i poticaje zeničkim poduzetnicima;

- Jačanje dijaloga sa poslovnim udruženjima, posebno u okviru Privrednog savjeta i promocijom projekata javno-privatnog partnerstva (JPP).

## **2. PRIVREDA, POLJOPRIVREDA I RURALNI RAZVOJ**

### **2.1. KOMUNALNA PRIVREDA**

Budući da je Grad, kao jedinica lokalne samouprave, prvenstveno nadležan i odgovoran za uspostavu i funkcionisanje komunalnih djelatnosti odnosno komunalne privrede koja pruža usluge građanima i drugim pravnim subjektima, to su aktivnosti i projekti u ovoj oblasti i značajan pokretač, ali i uslov za unapređenje poslovnog ambijenta i standarda života.

Realizacija velikih infrastrukturnih projekata (vodosnabdijevanja, prikupljanje i odvodnja otpadnih voda), izgradnja putne infrastrukture, izgradnja sistema javne rasvjete zahtijevaju angažman preduzeća i drugih subjekata i predstavljaju značajan generator privrednih aktivnosti i angažmana radne snage.

### **2.2. POLJOPRIVREDA I RURALNI RAZVOJ**

Razvijanje prigradskih i seoskih naselja jedan je od ključnih faktora ukupnog razvoja Grada Zenica. Gradonačelnik će provoditi efikasnu poljoprivrednu politiku kako bi se omogućilo stjecanje primjerenog dohotka i održivost poljoprivrednim proizvođačima i povećalo učešće domaće poljoprivrede u proizvodnji hrane, prije svega organskih proizvoda.

Aktivnosti gradonačelnika i gradske uprave bit će usmjerene na ispunjavanje slijedećih specifičnih ciljeva:

- Snažan razvoj poljoprivrede s ciljem stavljanja u funkciju neiskorištenih poljoprivrednih površina u zavisnosti od iskazanog interesa;
- Poticanje malih porodičnih poljoprivrednih gazdinstava uz stručnu i administrativnu pomoć gradskih službi, te pomoć u plasiranju proizvoda;
- Subvencioniranje kamata na kredite za razvoj poljoprivredne proizvodnje;
- Kvalitetna provedba Programa razvoja poljoprivrede na godišnjem nivou.

### **2.3. TURIZAM**

Turizam je grana privrede čiji kapaciteti na području Grada Zenica nisu posebno razvijani i nije bilo značajnijih investicija u tom smislu. U okviru ograničenih organizacijskih potencijala Gradonačelnik i gradska uprava usmjerit će aktivnosti na ispunjavanje određenih specifičnih ciljeva i to:

- Veća ulaganja u uređenje izletišta Smetovi;
- Jačanje ljudskih i organizacijskih potencijala JU "Muzej Grada";
- Jačanje potencijala za razvoj sportskog turizma kroz kampanje kandidatura za održavanje značajnijih međunarodnih takmičenja i prvenstava u sportskim objektima Grada Zenica;
- Razvijanje jače saradnje sa Turističkom zajednicom.

## **3. EKOLOGIJA, ODRŽIVI RAZVOJ I ZAŠTITA OKOLIŠA**

Grad Zenica je u više posljednjih desetljeća bio izložen pritisku najvećeg zagađivača u regiji "Željezare" čija je tehnologija integralne proizvodnje čelika bitno uticala na visoke koncentracije zagađenja zraka, tla i vode. Takav trend nastavljen je i nakon ponovnog pokretanja integralne proizvodnje čelika u pogonima kompanije Arcelor Mittal d.o.o. Zenica.

- Gradonačelnik i gradska uprava će koristeći sve raspoložive zakonske instrumente poduzimati mjere i akcije prema višim nivoima vlasti da se proizvodni procesi u Arcelor Mittalu dovedu u zakonske okvire u pogledu emisije svih vrsta zagađujućih materija.

- Drugi pravac djelovanja Gradonačelnika bit će zaštita prirodne sredine, voda šuma i poljoprivrednog zemljišta. Kroz posebne programe mjera stvarat će se pretpostavke za smanjenje izravnih pritisaka na prirodu i poticati održivo korištenje prirodnih dobara, te poduzimati mjere podizanja nivoa znanja, razumijevanja i podrške javnosti za zaštitu prirode i životne okoline općenito.
- Posebno je bitan segment upravljanja čvrstim komunalnim otpadom. Gradonačelnik i gradska uprava insistirati će na potpunoj provedbi dugoročnog ugovora sa kompanijom "Alba" iz Njemačke. Cilj tog aranžmana je uspostava ekonomski održivog cjelovitog sistema upravljanja otpadom što će razultirati izgradnjom i instaliranjem postrojenja Centra za upravljanje otpadom. Centar za upravljanje otpadom će biti dimenzioniran u skladu sa kapacitetima određenim studijom izvodljivosti uz uvažavanje načela kružnog opravljanja sa novim sortirnicama, kompostištem i ostalim postrojenjima koja će omogućiti postizanje zahtjeva u pogledu razvrstavanja, reciklaže i ponovnog iskorištavanja otpada.

Jedan od važnih ciljeva je uklanjanje, saniranje postojećih i sprečavanje nastanka novih divljih deponija kroz usvajanje strožije regulative i pojačani inspekcijski nadzor.

#### **4. PROSTORNO UREĐENJE**

##### **4.1. PRIPREMA I IZRADA PROSTORNO-PLANSKE DOKUMENTACIJE**

U oblasti prostornog uređenja glavne aktivnosti bit će usmjerene na plansko upravljanje, korištenje gradskog građevinskog zemljišta i zaštitu prostora s ciljem uspostavljanja ravnoteže između prostora, s jedne strane, te potreba građana i drugih subjekata odnosno omogućavanje razvoja i poboljšanje standarda života, s druge strane. Kod ostvarivanja ovog cilja Gradonačelnik i gradska uprava poduzimat će mjere na poboljšanju organizacije, uređenja i opremanja prostora te stvaranju funkcionalnog i estetski lijepo oblikovanog, a ujedno i ekonomičnog prostora.

U tom smislu radit će se na provedbi Prostornog plana Grada Zenica, izradi i usvajanju Urbanističkog plana, regulacionih planova, druge planske dokumentacije i programa za njihovo provođenje.

##### **4.2. POBOLJŠANJE ENERGETSKE EFIKASNOSTI**

Energetska efikasnost podrazumijeva niz mjera koje se provode s ciljem da se koristi što manje energije za isti efekat, da se smanji negativan uticaj na životnu sredinu i ublaže klimatske promjene, te da se u zgradarstvu postigne što bolja udobnost prostora u kojem se koristi energija. Gradonačelnik i gradska uprava poduzimati će mjere i pružiti podršku projektima rekonstrukcije građevina u svrhu unapređenja njihove energetske efikasnosti i promovisati energetske efikasnu gradnju što će uticati na smanjenje utroška energije i emisije CO<sub>2</sub>, ali i doprinijeti većem kvalitetu korištenja građevina i smanjenju uticaja na okolinu.

Posebna pažnja bit će usmjerena na pripremu i realizaciju projekata energetske efikasnosti kroz rekonstrukciju objekata javnih ustanova, posebno u kontekstu statusa koji Grad Zenica ima u projektu "Zeleni gradovi".

#### **5. KOMUNALNE DJELATNOSTI I INFRASTRUKTURA**

##### **5.1. UNAPREĐENJE PODUZETNIČKE INFRASTRUKTURE**

- Među prioritetima najvišeg ranga je uspostava poslovnih zona „Zenica-Jug“ i „Zenica-Sjever“ s ciljem uvođenja investitora i otvaranja novih radnih mjesta



- Osim zona „Zenica-Jug“ i „Zenica-Sjever“ bit će nastavljene aktivnosti s ciljem daljeg razvoja i jačanja postojeće Poslovne zone „Zenica 1“;
- Stavljanje u funkciju razvojnih projekata s ciljem novog zapošljavanja neperspektivnih objekata i prostora (omladinsko naselje „Nemila“);
- Grad Zenica će sufinansirati projektne izgradnje potrebne infrastrukture unutar poslovnih zona.

## **5.2. UNAPREĐENJE PUTNE INFRASTRUKTURE**

Prioritetni cilj Gradonačelnika i gradske uprave koji se odnosi na unapređenje putne infrastrukture bit će realizovan kroz slijedeće aktivnosti:

- Izgradnju novih saobraćajnica i rekonstrukciju postojeće putne infrastrukture sa svrhom kvalitetnog povezivanja svih dijelova grada, prigradskih i seoskih naselja;
- Pokretanje projekata na regulisanju saobraćajnog zagušenja u centru grada, rješavanjem stacionarnog saobraćaja, realizacijom projekata izgradnje podzemnih garaža;
- Provođenje aktivnosti na promjeni statusa dijela M-17 na potezu skretanje za Mošćanicu do zone „Pečuj“ u smislu njenog korištenja u režimu brze gradske ceste;
- Sanacija i rekonstrukcija saobraćajnica prema sporazumima zaključenim sa JP „Ceste Federacije BiH“ i JP „Autoceste BiH“.

## **5.3. VODOVOD I KANALIZACIJA**

Strateški cilj Gradonačelnika i gradske uprave koji se odnosi na unapređenje infrastrukture u oblasti vodoprivrede i poboljšanja vodosnabdijevanja građana kao i uređenja i regulacije vodotoka ostvarivat će se kroz slijedeće aktivnosti:

- Realizacija dugogodišnjeg projekta Regionalnog vodovoda „Plava voda“ koji se finansira sredstvima EBRD-a i Evropske banke;
- Realizaciju projekta izgradnje centralnog postrojenja za tretman otpadnih voda
- Realizaciju projekta vodosnabdijevanje i odvodnja otpadnih voda BiH II;
- Regulaciju riječnih korita vodotoka prve kategorije;
- Regulaciju riječnih korita vodotoka druge kategorije;
- Rekonstrukciju i izgradnju vodovodne i kanalizacione mreže s ciljem da što veći broj domaćinstava iz prigradskih i seoskih područja budu u sistemu vodovoda i kanalizacije kojim upravlja JP Vik;
- Prestanak upotrebe vodotoka Babina Rijeka u sistemu vodonosnog snabdijevanja građana čime će biti stvorene pretpostavke za intenzivniji razvoj poljoprivrede Babinskog sliva.

## **5.4. UNAPREĐENJE SISTEMA UPRAVLJANJA ČVRSTIM KOMUNALNIM OTPADOM**

Gradonačelnik i gradska uprava će s ciljem unapređenja Sistema upravljanja čvrstim komunalnim otpadom poduzimati aktivnosti i pokrenuti odnosno nastaviti realizaciju projekata kako slijedi:

- Obezbjediti da kroz ugovor sa „Alba Zenica“ d.o.o. cijelo područje Grada Zenica, uključujući i najudaljenija naselja bude pokriveno organizovanim prikupljanjem i odvozom čvrstog komunalnog otpada;
- Realizirati projekat uspostave Centra za upravljanje otpadom što će rezultirati instaliranjem postrojenja za reciklažu odnosno preradu komunalnog otpada (proizvodnja RDF, SRF);
- Predložiti donošenje novih i izmjenu postojećih pravnih regulativo iz nadležnosti Grada u oblasti organizovanja i upravljanja komunalnim otpadom;

- Realizirati projekat druge faze odlagališnih kaseta sa pripadajućom infrastrukturom na Regionalnoj deponiji „Mošćanica“.

#### **5.5. UNAPREĐENJE SISTEMA DALJINSKOG GRIJANJA**

U ovom segmentu bit će nastavljene aktivnosti u okviru zajedničkog pothvata sa kompanijom Arcellor Mittal na projektu izgradnje i puštanja u rad nove toplane čime će biti poboljšan kvalitet usluge daljinskog grijanja grada, a time stvorene pretpostavke za proširenje obuhvata većeg broja korisnika i smanjenje zagađenja zraka u zimskom periodu.

Prioritetni cilj bit će priprema projektne dokumentacije prema Studiji modernizacije i proširenja sistema daljinskog grijanja grada i obezbjeđenje potrebnih finansijskih sredstava.

U ovom kontekstu poduzet će se aktivnosti na donošenju potrebnih pravnih regulativa na smanjenju broja i ukidanju ložišta na ugalj i druga goriva sa štetnom emisijom CO<sub>2</sub> i SO<sub>2</sub>.

#### **5.6. GASIFIKACIJA GRADA ZENICA**

Jedan od bitnih projekata čijom će se realizacijom znatno doprinijeti i energetskej efikasnosti je gasifikacija grada, tj. proširenje sistema pokrivenosti gasnom mrežom, a shodno Studiji gasifikacije...

#### **5.7. GRADSKI SAOBRAĆAJ**

Rješavanje organizacije usluge javnog prevoza putnika u gradskom i prigradskom saobraćaju uključujući i funkcije moderne autobuske stanice, također, jedan je od prioriteta ciljeva. Dobro organizovan javni prevoz putnika sa vozilima koja ispunjavaju ekološke standarde bitno će uticati na smanjenje saobraćajnog zagušenja u gradu, te smanjene emisije izduvni gasova što će smanjiti zagađenje zraka, posebno u zimskom periodu.

### **6. DRUŠTVENE DJELATNOSTI**

Strateški ciljevi Gradonačelnika i gradske uprave u mandatu 2020.-2024. godina u oblastima predškolskog odgoja i obrazovanja, socijalne zaštite, mladih, sporta, kulture i drugim oblastima bit će sljedeći:

#### **6.1. PREDŠKOLSKI ODGOJ I OBRAZOVANJE**

Predškolski odgoj i obrazovanje je sastavni dio jedinstvenog obrazovnog sistema u Federaciji BiH i predstavlja prvi poseban i specifičan stepen odgojno-obrazovnog sistema koji se bavi odgojem djece predškolske dobi uzrasta od šest mjeseci do polaska u osnovnu školu. Aktivnosti koje će se realizovati u mandatnom periodu bit će usmjerene na:

- Unapređenje uslova za nastavak realizacije obaveznog programa za djecu pred polazak u osnovnu školu;
- Stvaranje što boljih uslova u predškolskoj javnoj ustanovi kako bi se boravak djece učinio što ugodnijim;
- Poboljšanje materijalno-tehničkih uslova u JU „Centar za predškolski odgoj i obrazovanje“;
- Poboljšanje materijalnog položaja zaposlenih u toj ustanovi.

#### **6.2. SOCIJALNA ZAŠTITA**

Socijalna pravednost je pravo građana i obaveza organa vlasti na svim nivoima da u okviru zakonom definisanih nadležnosti osiguraju pomoć onima u siromaštvu i socijalno isključenim kategorijama građana. U ovim potpuno izmjenjenim društvenim i ekonomskim prilikama u kojima se nalazi naše društvo, Gradonačelnik i gradska uprava poduzimat će mjere na zaštiti socijalno ugroženih kategorija kroz razne projekte pomoći i partnerstva sa strukovnim i drugim organizacijama. S tim ciljem posebne aktivnosti bit će usmjerene na:

- Uspostavljanje transparentnog i pravednog sistema socijalne brige u okviru nadležnosti grada kao jedinice lokalne samouprave u saradnji sa organima mjesnih zajednica i JU „Centar za socijalni rad“;
- Unapređenjem rada Gradske narodne kuhinje za građane pogođene siromaštvom;
- Unapređenje segmenta socijalnog stanovanja kroz projekte izgradnje i upravljanja socijalnim, stambenim fondom, uključujući i reviziju postojećeg stanja i korisnika;
- Unapređenje statusa pripadnika boračke populacije i osoba sa invaliditetom kroz razvijanje partnerstva sa njihovim udruženjima i realizaciju projekata pomoći na principima transparentne dodjele sredstava i praćenja njihove upotrebe.

### **6.3. ZDRAVSTVO**

Organizacija zdravstva- primarne i sekundarne zdravstvene zaštite trebala bi osigurati potpunu zdravstvenu sigurnost svih građana i biti izvorom zdravlja i produktivnosti. Gradonačelnik i gradska uprava će mjerama i aktivnostima unaprijediti rad i funkcionisanje JU „Dom zdravlja“ kroz unapređenje menadžmenta u Ustanovi, širenje i unapređenje kvalitete usluga primarne zdravstvene zaštite kroz mrežu ambulantni porodične medicine, te unapređenje znanja i statusa zaposlenih u toj Ustanovi. Prioritetan cilj je bolja zdravstvena zaštita i bolji radni uslovi doktorima i osoblju porodične medicine te zaustavljanje trenda odljeva zdravstvenog kadra iz Grada Zenice.

Prioritetan cilj je i unapređenje hitne medicinske pomoći.

### **6.4. UNAPREĐENJE MLADIH**

Federalni zakonom o mladima definisano je da se mladim osobama smatraju lica između petnaest i trideset godina starosti, dok se prema definiciji UN mladim osobama smatraju osobe između petnaest i dvadeset i četiri godine. Grad Zenica, kao jedinica lokalne samouprave, nastavit će sa podrškom na planu rada sa mladima i realizaciji projekata omladinskih aktivnosti. U okviru ovog strateškog cilja bit će poduzete slijedeće aktivnosti:

- Donošenje strategije razvoja omladinske politike;
- Jačanje kapaciteta mladih ljudi i omladinskih udruženja kroz podršku njihovih projektnih aktivnosti;
- Jačanje suradnje sa omladinskim udruženjima i nevladinim organizacijama s ciljem jačanja aktivizma mladih;
- Jačanje volonterskog angažmana i obavljanja pripravničkog staža mladih koji završe visoko obrazovanje i podrška subjektima koji prihvate takav angažman mladih;
- Nagrađivanje i stipendiranje mladih sa najboljim rezultatima;
- Podsticanje inovatorstva mladih i podrška razvojnim projektima.

### **6.5. UNAPREĐENJE SPORTA**

Javni interes i ciljevi Gradonačelnika i gradske uprave u oblasti sporta su:

- Razvijanje svijesti građana, posebno mladih i lica sa invaliditetom o sportu i njegovim vrijednostima;
- Doprinos vaspitanju, obrazovanju i razvoju djece i omladine;
- Podsticanje i afirmacija sporta i njegovih vrijednosti kao dijela kulture i ukupnih, materijalnih i duhovnih vrijednosti društva, očuvanje zdravlja;
- Podsticanje sistemskog i organizovanog bavljenja sportom u slobodno vrijeme;
- Podsticanje razvoja školskog sporta.

Realizacija unaprijed navedenih ciljeva provodit će se kroz slijedeće aktivnosti i mjere:

- Pružanje podrške takmičarskog sporta kroz pomoć redovnim i dodatnim programima registrovanim sportskim klubovima;

- Omogućavanje korištenja sportskih objekata u vlasništvu Grada pod najpovoljnijim uslovima za trenažni proces i takmičarske aktivnosti sportskih klubova;
- Pokretanje i podrška sportskih takmičenja u školama;
- Podrška i promovisanje sporta lica sa invaliditetom kroz podršku redovnih programa klubova lica sa invaliditetom.
- Podrška adaptaciji, sanaciji i rekonstrukciji sportskih objekata na području grada u cilju njihove modernizacije, ali i stvaranja pretpostavki za šire rekreativno bavljenje građana sportom u mjesnim zajednicama.

Gradonačelnik i gradska uprava će u zavisnosti od finansijskih mogućnosti Grada stvarati pretpostavke za povećanje transfera za razvoj sporta i podršku sportskim klubovima, kroz dalji razvoj potpuno transparentne raspodjele sredstava uz učešće predstavnika Sportskog saveza i predstavnika pojedinih sportova.

#### **6.6. UNAPREĐENJE KULTURE**

Djelatnošću kulture smatraju se svi oblici stvaralaštva, prenošenja i očuvanja kulturnih vrijednosti u oblasti književne, muzičke, pozorišne, likovne, filmske i srodnih oblika stvaralaštva, te izdavaštvo, kinematografija izložbena, muzejska i bibliotetska djelatnost, kao i očuvanje kulturnog i prirodnog naslijeđa.

Strateški cilj unapređenja kulture realizirat će se kroz slijedeće aktivnosti:

- Jačanje organizacijskih i kadrovskih kapaciteta javnih ustanova iz oblasti kulture u nadležnosti grada;
- Promocija kulture, te selekcija kulturnih sadržaja kroz realizaciju projekata u okviru kulturnih manifestacija koje organizuje grad u saradnji s javnim ustanovama iz oblasti kulture;
- Sufinansiranje važnih kulturnih dešavanja;
- Uspostavljanje partnerskih odnosa sa institucijama u oblasti kulture, tehničke kulture i informisanja i sufinansiranje projekata;
- Sufinansiranje projekata zaštite spomenika kulture i prirodnog naslijeđa na području grada;
- Jača podrška u radu udruženja koja njeguju kulturno naslijeđe naroda BiH i afirmacija volonterskog rada pojedinaca na polju kulture.

#### **6.7. PARTNERSTVA**

Gradonačelnik i gradska uprava vodit će politiku sistemske podrške organizacija civilnog društva i jačanje volonterstva. Nastavit će njegovati i unapređivati dobre odnose sa vjerskim zajednicama, te podržavati njihove programe u skladu sa finansijskim mogućnostima Grada.

Gradonačelnik će posebno podržavati organizacije civilnog društva, a posebne programe usmjerit će prema saradnji gradskih tijela uprave i organizacija civilnog društva, naročito onih koje djeluju za dobrobit djece, mladih i ugroženih skupina građana, kroz projekte i partnerstva.

### **7. NORMATIVNA DJELATNOST, PLANOVI I PROGRAMI**

U svrhu realizacije većine strateških ciljeva i aktivnosti sadržanih u Osnovama programa i politike Gradonačelnika bit će neophodno izmijeniti ili dopuniti, odnosno donijeti nove normative akte (Odluke, Pravilnike i sl.) kojima će biti stvorene pravne pretpostavke za provođenje planiranih aktivnosti. U tom smislu Gradonačelnik i gradska uprava će u kratkom rok pripremiti i dostaviti Gradskom vijeću na razmatranje i usvajanje akta potrebna za unapređenje stanja u mnogim oblastima, a naročito:

- Akta u oblasti upravljanja gradskom imovinom;

- Akta plansko-prostorne regulative;
- Akta u oblasti komunalnog reda i drugih komunalnih djelatnosti, te potrebne planove i programe, na osnovu kojih će biti realizirani konkurentni razvojni projekti.

#### **8. ZAVRŠNI DIO**

Osnove programa i politike Gradonačelnika Grada Zenica važe za mandatni period 2020-2024. godina.

**Zenica, februar 2021. godine**

**Gradonačelnik  
Fuad Kasumović**